

Janar – Shkurt – Mars 2019

## AMSHC ➤ Ditar 21

Datë: 23.04.2019

### NË KËTË NUMËR DO TË LEXONI:

Shoqata maqedonase “Ilinden” – Tiranë feston 10-vjetorin e krijimit .....	1
Takimi III i Komitetit Drejtues të Programit “Forcimi i Policimit në Komunitet në Shqipëri” – Faza e II, 2017-2020 .....	3
Takime konsultimi me përfaqësues të Pushtetit Vendor dhe të Organizatave të Shoqërisë Civile për përcaktimin e prioriteteve të Thirrjes Nr. 12 për projekt-propozime.....	4
AMShC shpall Thirrjen Nr. 12 për shprehje interesi .....	7
Takime informuese dhe konsultimi mbi procesin e përzgjedhjes së anëtarëve të shoqërisë civile të Këshillit Kombëtar për Shoqërinë Civile (KKShC) .....	8
Takim i përbashkët pune i Departamentit të Zhvillimit dhe Mirëqeverisjes në Kryeministri dhe Këshillit Kombëtar për Shoqërinë Civile mbi OGP .....	9
Tryezë me temë mbi përmirësimin e politikave të qeverisjes lokale .....	10

# Shoqata maqedonase “Ilinden” – Tiranë feston 10-vjetorin e krijimit

Tiranë, 6 shkurt 2019



Përfaqësues nga Agjencia për Mbështetjen e Shoqërisë Civile (AMShC) mori pjesë në pritjen e organizuar me rastin e 10-vjetorit të krijimit të Shoqatës maqedonase “Ilinden” – Tiranë, me ftesë të z. Nikolla Gjurgjaj, kryetar i Shoqatës.

Fjalën e hapjes e mbajti z. Tihomir Stojanovski, profesor në Fakultetin e Arteve Dramatike në Shkup, Republika e Maqedonisë; z. Nikolla Gjurgjaj, kryetar i shoqatës maqedonase “Ilinden” – Tiranë si edhe z. Danko Markovski, ambasador i Republikës së Maqedonisë në Tiranë.

Në vijim z. Gjurgjaj shpërndau çmime dhe certifikata mirënjohjeje për personat me meritë të veçantë në jetën, historinë, kulturën dhe ruajtjen e traditës autentike maqedonase në Shqipëri.





Gjatë ceremonisë u prezantuan librat:

1. *Dekada e shoqatës maqedonase "Ilinden" – Tiranë*
2. *Maqedonasit dhe shqiptarët nga Kongresi i Berlinit deri në kryengritjen Ilinden*
3. *Etnografia dhe antropologjia e maqedonasve "Nashinski" nga kufiri maqedono - shqiptar – nga Dr. Meri Stojanova*



## Takimi III i Komitetit Drejtues të Programit “Forcimi i Policimit në Komunitet në Shqipëri” – Faza e II, 2017-2020

Tiranë, 14 shkurt 2019



Përfaqësuese nga Agjencia për Mbështetjen e Shoqërisë Civile mori pjesë në takimimin e III të Komitetit Drejtues të Programit “Forcimi i Policimit në Komunitet në Shqipëri”, faza e 2-të, Periudha e Zbatimit 2017-2020, i cili u mbajt pranë ambjenteve të Drejtorisë së Përgjithshme të Policisë së Shtetit.

Ky projekt financohet nga Sida (Swedish International Development Cooperation

Agency) dhe implementohet nga FCG Swedish Development AB.

Hapjen e takimit dhe prezantimin e agjendës e mbajti z. Ansi Shundi, Drejtuesi i Ekipit të Menaxhimit të Programit, ndërsa në vijim z. Ardi Veliu, Drejtor i Përgjithshëm i Policisë së Shtetit, njëherazi edhe Kryetar i Komitetit Drejtues të Programit shprehu vlerësimet e Policisë së Shtetit për rezultatet e programit.

Në takim u prezantua plani i aktiviteteve të programit dhe i progresit të deritanishëm për periudhën 1 korrik 2018 – 31 dhjetor 2018. Në përfundim pati diskutime të pjesëmarrësve mbi aktivitetet dhe pritshmëritë e tyre për programin.

# Takime konsultimi me përfaqësues të Pushtetit Vendor dhe të Organizatave të Shoqërisë Civile për përcaktimin e prioriteteve të Thirrjes Nr. 12 për projekt-propozime

Janar – Shkurt 2019

Me synim konsultimin publik në lidhje me prioritetet e Thirrjes së radhës Nr. 12 si dhe në kuadër të një bashkëpunimi sa më të frytshëm e të suksesshëm midis Agjencisë për Mbështetjen e Shoqërisë Civile (AMShC), Organizatave të Shoqërisë Civile dhe Pushtetit vendor, nën moton: “Fuqizohemi së bashku” u organizuan takime konsultative në qytetet dhe datat e mëposhtme:

1. **Korçë**, 22 – 23 janar 2019
2. **Gjirokastrë**, 25 janar 2019
3. **Peshkopi**, 29 – 30 janar 2019
4. **Shkodër**, 31 janar 2019
5. **Vlorë**, 5 – 6 shkurt 2019
6. **Kukës**, 7 – 8 shkurt 2019
7. **Tiranë**, 14 shkurt 2019



## KONSULTIM PUBLIK

me përfaqësues të Pushtetit Vendor dhe të Organizatave të Shoqërisë Civile

mbi përcaktimin e prioriteteve të Thirrjes Nr. 12 për projekt-propozime

**KORÇË • GJIROKASTËR • PESHKOPI  
SHKODËR • VLORË • KUKËS • TIRANË**

ONLINE: [www.amshc.gov.al](http://www.amshc.gov.al)

Në këto takime përfaqësuesit e AMShC-së parashtruan çështjet kryesore:

- *Sfidat dhe prioritetet e sektorit të Shoqërisë Civile për secilin qark dhe më konkretisht, sa nga OJF-të e regjistruara janë aktive në qytete dhe zonat përreth, të cilat kontribuojnë për zgjidhjen e këtyre sfidave*
- *Marrja e një feedback-u për problematikat e ndryshme dhe sugjerimet për mbështetje financiare, për zgjidhjen e tyre nëpërmjet kontributit të Shoqërisë Civile*
- *Nxjerrja e fushave prioritare të cilat duhet të përfshihen në thirrjen e radhës, të propozuara nga pjesëmarrësit dhe përfaqësues të Shoqërisë Civile*



**Korçë, 22 janar 2019**

Takim me Organizata të Shoqërisë Civile në Korçë



**Korçë, 23 janar 2019**

Takim me përfaqësues nga Sektori i Projekteve të Bashkisë Korçë



**Gjirokastrë, 25 janar 2019**

Takim me znj. Albana Allushaj – Drejtore e Drejtorisë së Shërbimeve Sociale në Bashkinë Gjirokastrë



**Gjirokastrë, 25 janar 2019**

Takim me Organizata të Shoqërisë Civile në Gjirokastrë



**Peshkopi, 29 janar 2019**

Takim me Organizata të Shoqërisë Civile në Peshkopi



**Peshkopi, 30 janar 2019**

Takim me zëvendëskryetarin e Bashkisë Dibër



**Shkodër, 31 janar 2019**

Takim me përfaqësues të Organizatave të Shoqërisë Civile së bashku me znj. Deana Alibali dhe znj. Stela Mardusha nga Drejtoria e Planifikimit Strategjik dhe Përmirësimit të Klimës së Biznesit në Bashkinë Shkodër



**Vlorë, 5 shkurt 2019**

Takim me z. Jeton Puka – Këshilltar ekonomik i Kryetarit të Bashkisë Vlorë



**Vlorë, 6 shkurt 2019**

Takim me Organizata të Shoqërisë Civile në Vlorë



**Kukës, 7 shkurt 2019**

Takim me z. Dilaman Nela - Nënkyetar i Bashkisë Kukës



**Kukës, 8 shkurt 2019**

Takim me Organizata të Shoqërisë Civile në Kukës



**Tiranë, 14 shkurt 2019**

Takimit konsultativ përmbyllës me përfaqësues të Organizatave të Shoqërisë Civile në Tiranë

Në takimet e organizuara si dhe nga shqyrtimi i të gjitha materialeve të marra në rrugë elektronike dhe në formë të shkruar (*hard copy*), ku përfaqësuesit e OJF-ve, pushtetit vendor dhe grupet e interesit listuan sugjerimet, janë përmbledhur si më poshtë:

1. *Mbështetja e projekteve për mbrojtjen e mjedisit me fokus pyjet dhe vendburimet termale; Fokusim dhe adresim i dëmeve të shkaktuara gjatë tranzicionit dhe në vijim në hapësirat detare dhe bregdetare shqiptare*
2. *Zhvillimi i turizmit dhe kryesisht atij familjar duke pasur parasysh prodhimet tradicionale të zonës*
3. *Arti dhe trashëgimia kulturore; aktivizimi i brezave të rinj për të ruajtur trashëgiminë dhe identitetin tonë kulturor*
4. *Zbatimi i metodës LEADER nëpërmjet krijimit dhe fuqizimit të Forumeve rurale, për të nxitur lobim, advokaci dhe përfaqësim të komuniteteve në zonat rurale, kryesisht malore dhe të defavorizuara*
5. *Mbështetje për medien investigative lokale*
6. *Korrupsioni dhe lufta kundër tij*
7. *Mirëqeverisja vendore*
8. *Monitorimi i Reformës në Drejtësi dhe procesit të vetingut*
9. *Mbrojtja e të drejtave të fëmijëve*
10. *Bashkëveprimi i rinisë në fushatat sensibilizuese për promovimin e talenteve të reja në art, kulturë dhe skulpturë*
11. *Mbështetje dhe aksesueshmëria për personat me aftësi ndryshe, përfshirja sociale e personave me aftësi intelektuale*
12. *Sensibilizim, mobilizim dhe aktivizim i të rinjve në proceset integruese, vullnetarizmi dhe filantropia*
13. *Sensibilizimi i të rinjve në përdorimin e masave mbrojtëse nga sëmundjet seksualisht të transmetueshme*
14. *Informimi dhe sensibilizimi mbi të drejtat e të rinjve, kryesisht në zonat rurale*
15. *Mbështetje për arsimimin profesional, fuqizimin dhe punësimin e grave e të rinjve*
16. *Identifikim, adresim dhe zhvillim të zonave rajonale natyrore me potenciale turistike të riskuara nga zhvillimet ekonomike të pakontrolluara*
17. *Promovimi i harmonisë dhe bashkëjetesës fetare*
18. *Përmirësimi i shërbimeve sociale*
19. *Mbështetje për moshën e tretë, ofrimi i shërbimeve sociale në banesë*
20. *Rritja e kapaciteteve të OJF-ve për hartimin e projekteve konkrete, sidomos atyre lokale*

Nga bashkëbisedimet me përfaqësuesit e pushtetit vendor u vërejt gatishmëri për bashkëpunim institucional si dhe ofrimin e faciliteteve dhe mbështetjes për implementimin e projekteve të OJF-ve.

# Thirrja Nr. 12

për projekt-propozime

28 shkurt - 1 prill 2019

The CALL for proposal

February 28<sup>th</sup> - April 1<sup>st</sup> 2019

## AMShC shpall Thirrjen Nr. 12 për shprehje interesi

Tiranë, 28 shkurt – 1 prill 2019

Agjencia për Mbështetjen e Shoqërisë Civile (AMShC) shpall Thirrjen Nr. 12, ku ftohen OJF-të e interesuara të sjellin projekt-propozime që kanë si objekt dhe mbulojnë fushat prioritare:

### 1. Rinia – Investim dhe garanci për të ardhmen evropiane të vendit

- Fuqizimi i kapaciteteve për sipërmarrje në fusha të ndryshme zhvillimit (promovimi i produkteve vendase, zhvillimi i turizmit rural dhe urban, historike, kulturore, etnografike, folklorike, etj.)
- Aktivizimi i grupeve studentore të ekselencës në programe të studimeve shkencore, inovative etj.
- Rinia në tregun e vlerave (art, kulturë, inovacion etj.), ura bashkëpunimi mes gjeneratave Rinia dhe Moshë e tretë (shkëmbim eksperiencash, diskutime miqësore, histori nga e kaluara etj.)
- Rinia në fokusin gjithpërfshirës në garantimin e zhvillimit të qëndrueshëm
- Tryeza sensibilizimi dhe diskutimi, nisma për zhvillimin e aktivizimit dhe vullnetarizmit, pjesëmarrjes, sipërmarrjes, partneritet, arsimit, aftësimin profesional etj.

### 2. Integrimi – Shoqëria civile si faktor, aktor dhe partner i rëndësishëm në proceset e integrimit evropian dhe rajonal të vendit

- Sensibilizim, fuqizim kapacitetesh për një mjedis mundësues në proceset integruese
- Integrimi evropian, integrimi ekonomik rajonal (ballkanik etj.), njohja e standardeve demokratike, diskutimi, debati, dialogu, mendimi ndryshe dhe aftësia për të dëgjuar; zhvillimi i ideve dhe nismave rajonale etj.
- Mirëqeverisja (Pushteti Qendror dhe Lokal), transparencë, llogaridhënia, lufta kundër korrupsionit, përgjegjshmëria dhe integriteti, reforma në drejtësi, rritje kapacitetesh, inovacion, monitorim, partneritet etj.
- Fuqizim kapacitetesh në ideim, shkrim, zbatim, monitorim dhe raportim të projekteve për shoqatat rinore, rurale, të sapokrijuara; aplikimi i metodës LEADER etj.
- Edukim qytetar në funksion të proceseve integruese (familja, shkolla, komuniteti, biznesi, institucionet shtetërore etj.)

### 3. Zhvillimi Social, shërbimet sociale

- Partneritet me grupet në nevojë në fuqizim kapacitetesh etj.
- Mbështetje për grupet në nevojë (persona të dhunuar; grupe të traumatizuara; fëmijët e braktisur; të ngujuarit; etj.), parandalimi i konfliktit dhe dhunës; asistencë psikologjike; zgjidhje paqësore e konflikteve, mbrojtja nga sëmundjet seksualisht të transmetueshme etj.
- Fuqizimi/Diversifikimi i shërbimeve sociale për grupet në nevojë në garantimin e të drejtave të njeriut, në të gjithë spektrin e jetës politike, ekonomike, kulturore, sociale etj.

### 4. Mjedi, Turizmi dhe Zhvillimi i qëndrueshëm

- Mbrojtja dhe rehabilitimi i mjedisit; fuqizim i kapaciteteve për parandalimin dhe menaxhimin e situatave të emergjencave natyrore (përmbytjet, zjarret, tërmete etj.)
- Aktivizimi dhe vullnetarizmi, faktorë të rëndësishëm në mbrojtjen e një mjedisi të shëndetshëm dhe konkurrues i zhvillimit të qëndrueshëm
- Promovimi dhe ruajtja e vlerave historike, etnografike, turistike, artistike, kulturore, guidat turistike, koleksionistët, tolerancës fetare etj. si vlera historike e kombit shqiptar dhe detyrim ndaj brezave të ardhshëm

# Takime informuese dhe konsultimi mbi procesin e përzgjedhjes së anëtarëve të shoqërisë civile të Këshillit Kombëtar për Shoqërinë Civile (KKShC)

Shkurt – Mars 2019

Agjencia për Mbështetjen e Shoqërisë Civile (AMShC), në rolin e Sekretariatit Teknik të Këshillit Kombëtar për Shoqërinë Civile (KKShC) përgjatë muajve Shkurt – Mars 2019 zhvilloi disa takime informuese dhe konsultimi mbi procesin e përzgjedhjes së anëtarëve të shoqërisë civile të KKShC-së me organizata të shoqërisë civile.

Takimet informuese u zhvilluan sipas kalendarit:

1. **Berat**, 26 shkurt 2019
2. **Vlorë**, 28 shkurt 2019
3. **Gjirokastër**, 5 mars 2019
4. **Sarandë**, 6 mars 2019
5. **Kukës**, 8 mars 2019
6. **Korçë**, 12 mars 2019
7. **Shkodër**, 13 mars 2019

  
REPUBLIKA E SHQIPËRIE  
KËSHILLI KOMBËTAR  
PËR SHOQËRINË CIVILE

## TAKIME INFORMUESE *me aktorë të shoqërisë civile*

*mbi procedurën e zgjedhjes së anëtarëve të rinj  
në Këshillin Kombëtar për Shoqërinë Civile (KKShC)*



Gjatë takimeve të përfaqësuesve të AMShC-së dhe KKShC-së me përfaqësues nga organizatat e shoqërisë civile, u prezantuan dhe u diskutuan kriteret për kandidatët, dokumentacionet mbështetëse dhe fazat e procesit për përzgjedhjen e kandidaturave për anëtarë të shoqërisë civile në Këshillin Kombëtar për Shoqërinë Civile.



## Takim i përbashkët pune i Departamentit të Zhvillimit dhe Mirëqeverisjes në Kryeministri dhe Këshillit Kombëtar për Shoqërinë Civile mbi OGP

Tiranë, 15 mars 2019



Në kuadër të angazhimit të marrë nga Qeveria Shqiptare për të qenë pjesë e Partneritetit për Qeverisjen e Hapur (Open Government Partnership – OGP) dhe vizitës së përfaqësuesve të lartë të OGP-së z. Joe Powell, Zëvendës drejtori Ekzekutiv dhe znj. Sandra Pernar, Koordinatore e Lartë Rajonale për Evropë, u zhvillua një takim i përbashkët pune i Departamentit të Zhvillimit dhe Mirëqeverisjes në Kryeministri dhe Këshillit Kombëtar për Shoqërinë Civile (KKShC). Ky event me temë “Open Government Partnership Visit to Albania” u mbaj pranë ambjenteve të Qendrës për

Hapje dhe Dialog (COD), në Kryeministri. Të pranishëm ishin përfaqësuesit e lartë të Partneritetit për Qeverisjen e Hapur (OGP), Agjencia për Mbështetjen e Shoqërisë Civile (AMShC) si dhe Organizata të Shoqërisë Civile. Takimi i përbashkët i punës u drejtua nga znj. Ardiana Jaku – Zëvendësministre e Shëndetësisë dhe Mbrojtjes Sociale. Në këtë takim të përbashkët pune, u prezantua Plani i Katërt Kombëtar i Veprimit për Qeverisjen e Hapur për Shqipërinë 2018 – 2020.





## **Tryezë me temë mbi përmirësimin e politikave të qeverisjes lokale**

***Tiranë, 20 mars 2019***

*Përfaqësues nga Agjencia për Mbështetjen e Shoqërisë Civile (AMShC) marrin pjesë në aktivitetin me temë "Përmirësimi i politikave të qeverisjes lokale nëpërmjet pjesëmarrjes demokratike të qytetarëve", të organizuar nga Instituti i Studimeve Sociale dhe Humane, projekt mbështetur nga USAID. Të pranishëm ishin përfaqësues të Ministrisë së Brendshme, të shoqërisë civile si dhe Drejtori i ADISA, z. Lorin Ymeri. Takimi kishte në fokus paraqitjen e rezultateve të studimit të zhvilluar në qytetin e Tiranës, njërës prej pesë bashkive të përzgjedhura për implementimin e këtij projekti.*



# AMSHC ➤ Ditar 21

Janar – Shkurt – Mars 2019

AGJENCIA PËR MBËSHTETJEN E SHOQËRISË CIVILE

Adresa: Rruga "Frosina Plaku" Nr. 58, Kati II, Tiranë, Shqipëri

Telefon: +355 4 22 355 69

E-mail: [info@amshc.gov.al](mailto:info@amshc.gov.al) Website: [www.amshc.gov.al](http://www.amshc.gov.al)